



ქალაქ ფოთის მუნიციპალიტეტის საკრებულო

განკარგულება № 7/34

2021 წლის 28 ქაისი

ქალაქი ფოთი

ქალაქ ფოთის მუნიციპალიტეტის საკრებულოში წარდგენილი 2021 წლის 19 მაისის განცხადების-პეტიციის (საინიციატივო ჯგუფის წევრები: დავით შონია, გენადი აფაქიძე, დომენტი ქართველიშვილი) შესახებ

საქართველოს ზოგადი ადმინისტრაციული კოდექსის 76-ე მუხლის პირველი ნაწილის „ა“ ქვეპუნქტის და მე-2 ნაწილის შესაბამისად, ადმინისტრაციული წარმოების დაწყების საფუძველია დაინტერესებული პირის განცხადება. ადმინისტრაციული წარმოება ასეთ შემთხვევაში დაიწყება განცხადების რეგისტრაციის მომენტიდან.

ამდენად, 2021 წლის 19 მაისის განცხადებასთან-პეტიციასთან დაკავშირებით დაიწყო ადმინისტრაციული წარმოება (ადმინისტრაციული წარმოება დაწყებულად ჩაითვალოს 2021 წლის 19 მაისიდან).

ქალაქ ფოთის მუნიციპალიტეტის საკრებულოში წარდგენილი 2021 წლის 19 მაისის განცხადების-პეტიციის (შემდგომში -პეტიცია) შესაბამისად, მოქალაქეები ითხოვენ ქალაქ ფოთის მუნიციპალიტეტში, გიორგი ჭანტურიას ქუჩას გადაერქვას სახელი და ეწოდოს ზვიად გამსახურდიას სახელი, ხოლო ზვიად გამსახურდიას არსებულ ქუჩას ეწოდოს სხვა სახელი.

„მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“ საქართველოს მთავრობის 2015 წლის 1 ივნისის №239 დადგენილებით დამტკიცებული წესის მე-7 მუხლის მე-3 პუნქტის „დ“ ქვეპუნქტის შესაბამისად, გეოგრაფიული ობიექტების (მათ შორის ქუჩა) სახელდების თაობაზე ინიციატივის წარდგენაზე უფლებამოსილია მუნიციპალიტეტის ტერიტორიაზე რეგისტრირებულ ამომრჩეველთა არანაკლებ 1%.

საქართველოს ორგანული კანონის „ადგილობრივი თვითმმართველობის კოდექსი“ 86-ე მუხლის პირველი პუნქტის „ა“ ქვეპუნქტის შესაბამისად, პეტიციის წარდგენის უფლება აქვთ მუნიციპალიტეტის ტერიტორიაზე რეგისტრირებულ ამომრჩეველთა არანაკლებ 1%-ს.

ამდენად, ქალაქ ფოთის მუნიციპალიტეტის ტერიტორიაზე რეგისტრირებულ ამომრჩეველთა არანაკლებ 1%-ს უფლება აქვს მოითხოვოს გეოგრაფიული ობიექტების (მათ შორის ქუჩა) სახელდება (გადარქმევა).

2021 წლის 19 მაისის პეტიციაზე თანდართული ხელმოწერათა რაოდენობა (მუნიციპალიტეტის ტერიტორიაზე რეგისტრირებულ ამომრჩეველთა არანაკლებ 1%) აკმაყოფილებს საქართველოს კანონმდებლობით დადგენილ მოთხოვნებს. ამდენად, პეტიცია დარეგისტრირდა საკრებულოს აპარატში.

საქართველოს ზოგადი ადმინისტრაციული კოდექსის 53-ე მუხლის პირველი ნაწილის შესაბამისად, წერილობითი ფორმით გამოცემული ინდივიდუალური ადმინისტრაციულ-სამართლებრივი აქტი უნდა შეიცავდეს წერილობით დასაბუთებას. ზემოხსენებულიდან გამომდინარე, გეოგრაფიული ობიექტის სახელდების შესახებ ინდივიდუალური ადმინისტრაციულ-სამართლებრივი აქტი უნდა იყოს დასაბუთებული.

საქართველოს ზოგადი ადმინისტრაციული კოდექსის 96-ე მუხლის შესაბამისად, ადმინისტრაციული ორგანო ვალდებულია ადმინისტრაციული წარმოებისას გამოკვლიოს საქმისათვის მნიშვნელობის მქონე ყველა გარემოება და გადაწყვეტილება მიღლოს ამ გარემოებათა შეფასებისა და ურთიერთშეჯერების საფუძველზე. დაუშვებელია, ინდივიდუალური ადმინისტრაციულ-სამართლებრივი აქტის გამოცემას საფუძვლად დაედოს ისეთი გარემოება ან ფაქტი, რომელიც კანონით დადგენილი წესით არ არის გამოკვლეული ადმინისტრაციული ორგანოს მიერ.

საქართველოს ზოგადი ადმინისტრაციული კოდექსის მე-5 მუხლის პირველი ნაწილის შესაბამისად, ადმინისტრაციულ ორგანოს უფლება არა აქვს კანონმდებლობის მოთხოვნების საწინააღმდეგოდ განახორციელოს რაიმე ქმედება.

საქართველოს ორგანული კანონის „ადგილობრივი თვითმმართველობის კოდექსი“ 86-ე მუხლის მე-11 პუნქტის შესაბამისად, ამ მუხლის მე-4 პუნქტის „გ“ ქვეპუნქტით გათვალისწინებული პეტიცია შესასწავლად გადაეცემა მუნიციპალიტეტის საკრებულოს შესაბამის კომისიას.

საქართველოს ორგანული კანონის „ადგილობრივი თვითმმართველობის კოდექსი“ 86-ე მუხლის მე-12 პუნქტის შესაბამისად, მუნიციპალიტეტის საკრებულოს შესაბამისი კომისია განიხილავს და იღებს ერთ-ერთ შემდეგ გადაწყვეტილებას:

ა) პეტიციის შესაბამისად მუნიციპალიტეტის საკრებულოს დადგენილების პროექტის მომზადების მიზანშეწონილად მიჩნევის თაობაზე;

ბ) პეტიციის შესწავლისა და მუნიციპალიტეტის საკრებულოს სხდომისთვის განსახილველად წარდგენის თაობაზე;

გ) პეტიციის განხილვის მიზანშეუწონლად მიჩნევის თაობაზე.

ქალაქ ფოთის მუნიციპალიტეტის საკრებულოს სივრცით-ტერიტორიული დაგეგმარების და ინფრასტრუქტურის კომისიის 2021 წლის 27 მაისის №6/9 დასკვნით დადგენილია, შემდეგი:

„მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“ საქართველოს მთავრობის 2015 წლის 1 ივნისის №239 დადგენილებით დამტკიცებული წესის მე-4 მუხლის შესაბამისად, გეოგრაფიული ობიექტისთვის(მათ შორის ქუჩა) ძველი სახელწოდების აღდგენა ან გადარქმევა ხორციელდება იმ შემთხვევაში, თუ:

ა) რეგიონში არსებობს ერთი და იმავე სახელწოდების რამდენიმე გეოგრაფიული ობიექტი, რაც სხვადასხვა საქმიანობის განხორციელებისას ქმნის გარკვეულ სირთულეებს;

ბ) წარსულში საყოველთაოდ ცნობილი სახელწოდება დროთა განმავლობაში მივიწყებული ან დაკარგულია;

გ) ისტორიულ ვითარებათა და სხვა გარემოებათა გამო მოხდა სახელწოდების დამახინჯება;

დ) სახელწოდების აღმნიშვნელი აბრევიატურა ან სიტყვათა წყობა აღარ შეესაბამება რეალობას;

ე) ისტორიულ ვითარებათა და სხვა ობიექტურ გარემოებათა გამო მიზანშეწონილია სახელწოდების შეცვლა;

ვ) იცვლება შემორჩენილი საბჭოთა ბოლშევიკურ რეჟიმთან დაკავშირებული სახელწოდებები;

ზ) შესაძლებელია ისტორიული ტოპონიმების აღდგენა, რომლებსაც განსაკუთრებული ისტორიულ-კულტურული მნიშვნელობა გააჩნიათ;

თ) არსებითად იცვლება გეოგრაფიული ობიექტის ფუნქციური დანიშნულება ან კატეგორია;

ი) ტარდება სახელდების ობიექტის და მიმდებარე ტერიტორიის ისეთი ქალაქთმშენებლობითი სახეცვლილება ან რეკონსტრუქცია, რომელიც იწვევს გეოგრაფიული ობიექტის სახელწოდების შეცვლის აუცილებლობას.

ამდენად, გეოგრაფიული ობიექტისთვის (მათ შორის ქუჩა) სახელის გადარქმევა ხორციელდება ზემოხსენებული კრიტერიუმების გათვალისწინებით, 2021 წლის 19 მაისის პეტიცია არ აკმაყოფილებს არცერთ ზემოხსენებულ მოთხოვნას.

ამდენად, ქალაქ ფოთის მუნიციპალიტეტის საკრებულოს სივრცით-ტერიტორიული დაგეგმარების და ინფრასტრუქტურის კომისიას მიზანშეუწონლად მიაჩნია ქალაქ ფოთის მუნიციპალიტეტის საკრებულოში წარდგენილი 2021 წლის 19 მაისის განცხადების-პეტიციის განხილვა.

საქართველოს ორგანული კანონის „ადგილობრივი თვითმმართველობის კოდექსი“ 86-ე მუხლის პირველი პუნქტის მე-16 პუნქტის შესაბამისად, მუნიციპალიტეტის საკრებულო ზემოხსენებულ ინფორმაციას ცნობად იღებს.

აღნიშნულიდან გამომდინარე:

მუხლი 1.

1.ცნობად იქნეს მიღებული ქალაქ ფოთის მუნიციპალიტეტის საკრებულოს სივრცით-ტერიტორიული დაგეგმარების და ინფრასტრუქტურის კომისიის 2021 წლის 27 მაისის №6/9 დასკვნა, 2021 წლის 19 მაისის განცხადების-პეტიციის განხილვის მიზანშეუწონლობის შესახებ.

2.აღნიშნული განკარგულება გადაეგზავნოს 2021 წლის 19 მაისის განცხადების-პეტიციის ავტორებს(საინიციატივო ჯგუფის წევრებს: დავით შონია, გენადი აფაქიძე, დომენტი ქართველიშვილი).

მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 3.

განკარგულება ძალაშია 2021 წლის 28 მაისიდან.

საკრებულოს თავმჯდომარე



ბექა ვაჟარაძე

საქართველო

ქალაქ ფოთის მუნიციპალიტეტის საკრებულო სივრცით-ტერიტორიული დაგეგმარების და ინფრასტრუქტურის კომისია

N6/9

27 მაისი 2021 წელი

დასკვნა

ქალაქ ფოთის მუნიციპალიტეტის საკრებულოს სივრცით-ტერიტორიული დაგეგმარების და ინფრასტრუქტურის კომისიამ განიხილა ქალაქ ფოთის მუნიციპალიტეტის საკრებულოში წარდგენილი 2021 წლის 19 მაისის განცხადება-პეტიცია (შემდგომში -პეტიცია) რომლითაც, მოქალაქეები ითხოვენ ქალაქ ფოთის მუნიციპალიტეტში, გორგი ჭანტურიას ქუჩას გადაერქვას სახელი და ეწოდოს ზვიად გამსახურდიას სახელი, ხოლო ზვიად გამსახურდიას არსებულ ქუჩას ეწოდოს სხვა სახელი .

ზემოხსენებულ საკითხთან დაკავშირებით კომისიამ დაადგინა:

„მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“ საქართველოს მთავრობის 2015 წლის 1 ივნისის №239 დადგენილებით დამტკიცებული წესის მე-4 მუხლის შესაბამისად, გეოგრაფიული ობიექტისთვის (მათ შორის ქუჩა) ძველი სახელწოდების აღდგენა ან გადარქმევა ხორციელდება იმ შემთხვევაში, თუ:

ა) რეგიონში არსებობს ერთი და იმავე სახელწოდების რამდენიმე გეოგრაფიული ობიექტი, რაც სხვადასხვა საქმიანობის განხორციელებისას ქმნის გარკვეულ სირთულეებს;

ბ) წარსულში საყოველთაოდ ცნობილი სახელწოდება დროთა განმავლობაში მივიწყებული ან დაკარგულია;

გ) ისტორიულ ვითარებათა და სხვა გარემოებათა გამო მოხდა სახელწოდების დამახინჯება;

დ) სახელწოდების აღმნიშვნელი აბრევიატურა ან სიტყვათა წყობა აღარ შეესაბამება რეალობას;

ე) ისტორიულ ვითარებათა და სხვა ობიექტურ გარემოებათა გამო მიზანშეწონილია სახელწოდების შეცვლა;

ვ) იცვლება შემორჩენილი საბჭოთა ბოლშევიკურ რეჟიმთან დაკავშირებული სახელწოდებები;

ზ) შესაძლებელია ისტორიული ტოპონიმების აღდგენა, რომლებსაც განსაკუთრებული ისტორიულ-კულტურული მნიშვნელობა გააჩნიათ;

თ) არსებითად იცვლება გეოგრაფიული ობიექტის ფუნქციური დანიშნულება ან კატეგორია;

ი) ტარდება სახელდების ობიექტის და მიმდებარე ტერიტორიის ისეთი ქალაქითმშენებლობითი სახეცვლილება ან რეკონსტრუქცია, რომელიც იწვევს

გეოგრაფიული ობიექტის სახელწოდების შეცვლის აუცილებლობას.

ამდენად, გეოგრაფიული ობიექტისთვის (მათ შორის ქუჩა) სახელის გადარქმევა ხორციელდება ზემოხსენებული კრიტერიუმების გათვალისწინებით, 2021 წლის 19 მაისის პეტიცია არ აკმაყოფილებს არცერთ ზემოხსენებულ_მოთხოვნას.

ამდენად, ქალაქ ფოთის მუნიციპალიტეტის საკრებულოს სივრცით-ტერიტორიული დაგეგმარების და ინფრასტრუქტურის კომისიას მიზანშეუწონლად მიაჩნია ქალაქ ფოთის მუნიციპალიტეტის საკრებულოში წარდგენილი 2021 წლის 19 მაისის განცხადების-პეტიციის განხილვა.

კომისიის თავმჯდომარე

 თორნიკე ხარჩილავა